

□ „Kodeks ponašanja članova biračkih odbora i njihovih zamjenika“

Udruženje izbornih zvaničnika u BiH (UIZBiH) je, uz pomoć Vlade Kanade i u saradnji sa Centralnom izbornom komisijom Bosne i Hercegovine (CIK BiH) i Organizacijom za sigurnost i saradnju u Evropi (OSCE), izdalo brošuru „Kodeks ponašanja članova biračkih odbora i njihovih zamjenika“. Promocija brošure održana je u Sarajevu i Banja Luci, u prisustvu velikog broja članova općinskih i gradskih izbornih komisija i predstavnika političkih stranaka.

U izbornoj administraciji, efikasnost i tačnost u radu biračkih odbora predstavlja prvi korak ka izgradnji povjerenja javnosti u izborni proces u Bosni i Hercegovini. Dužnosti, koje obavljaju članovi biračkih odbora, izuzetno su kompleksne i odgovorne, te zahtijevaju visok stepen znanja o izbornom procesu; zatim, posjedovanje vještina poput – komunikacije, rješavanja konflikata, timskog rada; visoke moralne i profesionalne norme; posvećenost izvršavanju zadatka provedbe izbora na biračkim mjestima. Politički subjekti, koji učestvuju u izbornom procesu, trebaju poticati njihovu nepristrasnost i nezavisnost, jer će rad, u skladu sa principima Kodeksa, biti najbolji garant demokratskih izbora. Svako kršenje odredaba Izbornog zakona BiH i principa Kodeksa od strane članova biračkih odbora, može imati negativan uticaj na izborni proces i položaj političkih subjekata u njemu.

Brošura sadrži opis poslova članova biračkih odbora, pravila ponašanja i rada, primjere kršenja odredaba Izbornog zakona BiH i sankcije, koje su propisane krivičnim zakonima i Izbornim zakonom BiH i podzakonskim aktima. Kodeks treba da doprinese smanjenju kršenja odredaba Izbornog zakona BiH od strane biračkih odbora već prilikom provođenja Lokalnih izbora 2012. godine.

Prisutni su ocijenili da će brošura biti korisna za općinske i gradske izborne komisije, koje provode obuku članova biračkih odbora, političke subjekte, posmatračke političkih subjekata, udruženja građana, kao i međunarodne posmatračke, a prvenstveno članove biračkih odbora.

Brošuru možete preuzeti na [ovom linku](#) .